

迦葉赴佛涅槃經

菩薩呵色欲經

四品學法

佛入涅槃力士哀憐經

迦旃延說法沒盡偈


佛治身經

佛治意經

四百卅一

飛七

51011



元祿九年丙子二月日重脩

皇圖鞏固 帝階綴昌

佛日增輝 懋輪榮轉

山城州天安寺法金剛院置

七經同卷 七

迦葉赴佛涅槃經

菩薩呵色欲經

四品學法一卷

佛入涅槃力士哀戀經

迦旃延說法沒盡偈

佛治身經

佛治意經

佛說迦葉赴佛涅槃經

東晉竺曇無蘭譯



飛

昔佛在世時摩訶迦葉於諸比丘中最長年
高才明智慧其身亦有金色相好佛每說法

常與其對坐人民見之或呼爲佛師於是迦
葉乃辭佛到伊蔭黎山中一山名普能周旋
數千里去舍衛國二万六千里多出七寶甘
果不貲名香好藥栴檀三種其一種芳香一
種治人百病一種可用染五色衆香雜藥不
可稱數亦有走翔鳥獸師子豺狼白象騏驎
朱鳥鳳凰或有清淨異學道士時有方石平
正其色如瑠璃縱廣百二十里奇樹蔭涼華
葉五色冬夏茂盛列生石上迦葉前後教授
一千弟子皆清淨高行得羅漢者常坐此石
誦經行道又有清淨甘果泉水周旋三十里
其側生優曇華青蓮華紺色華紅色華紫色

華迦葉弟子七人同夕得夢其一比丘夢見
所坐方石中央分破樹皆根拔復一比丘夢
見四十里泉水皆乾竭華悉零落一比丘夢
見拘羅邊坐皆傾毀一比丘夢閻浮利地皆
傾陷一比丘夢見須弥山崩一比丘夢見金
輪王薨一比丘夢見日月墮地天下失明晨
起各以所夢啓迦葉迦葉告言我曹前見光
明地時大動卿等復得是夢佛將般泥洹即
勅諸弟子往赴俱夷那竭國道見婆羅門持
文陁羅華迦葉即問言卿從何來欲何所至
那得是天華荅言我從那竭國來時佛泥洹
已經七日諸天往赴悉持天華天香供養佛

身此華即是迦葉聞是語便自投於地啼泣
而言佛今般泥洹三界失明將復何依恃彼
師將諸弟子進道未到數百里便見四天王
及梵釋諸天皆持七寶蓋名香好華悉作十
二部音樂亦有阿須輪王諸大鬼神側塞空
中又具俱夷那竭國王及諸隣國王各從其
群僚數百万人見迦葉將諸弟子到是時國貴
末羅王則勅國人民皆令避道使迦葉及弟
子得進阿那律出迎相見言佛般泥洹巴士
日耶維火不然但待賢者到阿難見迦葉便
自投此地啼哭不自勝有一老比丘名波或
即止阿難言止止佛在時常禁制我等不得

自由佛今泥洹吾等得自在莫復啼哭時有
天聞波或語即舉手搏之迦葉便前接持天
止之謂波或言佛今般泥洹一切失所持汝
獨愚癡而反喜快波或聞是語竟即得阿羅
漢迦葉便與弟子俱頭面著地作禮繞棺三
匝而言我等今日不知佛頭足所在即便悲
哀而說偈言
佛為三界乘 度於生死淵 懺怕昇泥洹
微妙越世間 佛為無量明 照於愚癡冥
願為一切人 顯耀見威靈 佛為大慈哀
所度無央數 尊體處金棺 清淨寂然安
願用優和德 見身色相光 普令天及人

興起無量福

佛為開現法

衆生受潤澤

得止生死輪

惑者入正諦

已蒙如來恩

頭面禮佛足

今但覩棺槨

心為悲感傷

佛雖就無為

聖達靡不實

見後有疑諍

出足於金棺

起分是生死

佛以不復愁

法身慧常存

莫呼永泥洹

迦葉赴佛涅槃經

菩薩呵色欲法

後秦三藏鳩摩羅什譯

女色者世間之枷鎖凡夫戀著不能自拔女
色者世間之重患凡夫因之至死不免女色

者世間之衰禍凡夫遭之無厄不生行者既
得捨之若復顧念是爲從獄得出還復思入
從狂得正而復樂之從病得瘥復思得病智
者愍之知其狂而顛蹶死無日矣凡夫重色
甘爲之僕終身馳驟爲之辛苦雖復鉄質寸
斬鋒鏑交至甘心受之不以爲患狂人樂狂
不是過也行者若能棄之不顧是則破枷脫
鎖惡狂狀病離於衰禍旣安且吉得出牢獄
永無患難女人之相其言如蜜而其心如毒
譬如停淵澄鏡而蛟龍居之金山寶窟而師
子處之當知此害不可近也室家不和婦人
之由毀宗敗族婦人之罪實是陰賊滅人慧

明亦是獵圍罇得出者譬如高羅羣鳥落之
不能奮飛又如密網衆魚投之剝腸俎肌亦
如閹坑無目投之如蛾赴火是以智者知而
遠之不受其害惡而穢之不爲此物之所惑也

菩薩呵色欲法

四品學法一卷

宋文帝代求那跋陀羅於揚都譯

其有三德學号真學為上品

其持具戒學号承法為中品

其受卑戒學号依福學為下品

其行三事号散侍為外品

又真學三德者一曰戒行備具二曰多知經法三曰能化度人是為三德号真學者也又承法具戒者純行五戒信審罪福奉承法教也又依福卑戒者但持上四戒不持酒戒隨世習俗不變俗事是為依福學也又有散侍三事非戒也何謂三一者身所護法二者供養法三者於同學法持自有卷分別無師無所承自然心好無所拘礙名散侍法也真學功德勝於承法學百倍也承法功德勝依福百倍也依福功德百倍勝散侍也散侍功德勝凡俗百倍也凡俗之人或不如畜生畜生或

勝於人所以者何人作罪不止入地獄地獄
罪竟爲餓鬼餓鬼罪竟轉爲畜生畜生罪竟
乃還爲人畜生中皆畢罪便得爲人是故人
當作善奉行三尊之教學上四品之法長離
三惡道展轉天上下生人中豪尊卅卅受福
後長解脫若失威儀一事者當自學如法應
時自赴誠誨即解若懈怠不勤者應退著下
座後有功德乃更復之若受語不用及犯戒
者應便彈棄莫著衆中恐敗餘人若新受法
未滿三月者其有所犯先不應問也未習故
也若諸學者承用此律上下相檢乃可至竟
疾成大願

散侍法

問曰若有善男子欲入正道欲依大道而不耐戒當作何行以求福祥師曰亦有三事名散侍法好可奉何謂三一者身所護法二者供養法三者於同學法行此三事即勝作凡俗時百倍也

又散侍身所能法者云何雖不持戒當與凡俗小異遊居之處數就有經道之處若見世俗所行善者法之惡者莫用好言識也醜語勿名是為散侍第一法又散侍供養法者云何當侍三寶朝夕莫懈心常歸向並修經書若居貧窮無用供養者當加勤仍見人福躬

親佐助心代其歡是爲散侍第二法又散侍
於同學法者云何當敬愛其輩無相憍慢坐
起念之出入叅之如己觀也若行路者近則
相問遠當待望慎莫背忽是爲散侍第三法
師曰行是三事雖未即度猶如地多石多草
種雖不好故得少少以續其時猶勝不種也
種業不廢會得好地所種乃成收斂有盈斯
亦然矣行之不休福德扶持會受真戒号
四品學法一卷

佛入涅槃密迹金剛力士哀戀經

失譯

牟尼世尊在拘尸那城娑羅林間北首而卧

初入涅槃時密迹金剛力士見佛滅度悲哀
懊惱作如是言世尊成就最勝無上十力云
何於今乃爲羸弊無常氣勢微劣之所摧敗
如來捨我入于寂滅我從今日無歸無依無
覆無護衰惱灾患一旦頓集憂愁毒箭深入
我心密迹金剛作是語已戀慕世尊愁火轉
熾五內抽割心齧磨碎躄踊悶絕譬如巖崩
巔墜于地久乃醒悟即起而坐涕哭哽噎虛
欬而言恠哉恠哉死魔大惡無量功德波羅
蜜聚爲彼死魔之所滅壞復作是言唯願真
濟請爲我起我今薄祐無依憑處云何世尊
捨棄於我獨入寂滅自今已後永離衰頽世

尊寂靜身口意業更不可覩更不得見佛婆
伽婆入于佛住如來昔日入于佛住三昧之
時威德光顯倍常殊妙佛面鮮澤過於蓮花
新開敷時如日初出照於朝陽如是勝面更
不可見如來處於大衆出大雷音微妙之聲
更不可聞誠言無二離過患說無諂僞說易
解了說衆所愛說世界之中滅除諸惡至甘
露城無過佛法咄哉真濟永入涅槃使諸衆
生無有救護處於生死大曠野中又無眼目
離於導師誰示其道如來密雲能雨甘露為
無常風之所吹滅一切衆生愛火所燒而於
今者佛入涅槃誰雨法雨滅其愛火如來於

今滅於有爲得無上道爲於衆生作大醫王
一切卅世界爲煩惱病之所患苦今入涅槃誰
當矜愍化以正道療諸衆生結使之病如來
卅尊名爲知恩念於恩者我從處胎以來隨
逐如來如影隨形調和奉順不曾違闕去何
不感我之至心便見孤棄如背恩者嗚呼恠
哉咄哉大苦此金剛杵當用護誰即便擲棄
自今以往當奉侍誰誰當慈愍訓誨於我更
於何時得覩尊顏護卅之王爲顯甘露故遣
我來擁護於佛如何今日卒捨我等入于涅
槃我所有命依佛而存一旦捨我當依於誰
得存此命咄哉眞濟矜愍一切常說妙法教

詔愚冥何故今者而卒不言如來所知一切
種智過一切上恒於衆生有緣之者思欲利
益即於今日何處去耶而於今日便自閑默
更不救濟受化之徒諸魔惡人見佛涅槃皆
大歡喜如來出世尊生死海中作大船師而於
今日永捨濟度是諸衆生無量劫來順生死
流唯有如來能以正道令諸衆生皆得返流
如來出世尊永斷煩惱爲於愚冥衆生作大照
明今日涅槃世間衆生增長黑闇永爲無明
之所覆蔽金剛密迹哀呼悲惱復作是言世
尊三十二百福大人相悉皆具足如何滅壞
永不可覩哀哉破壞魔者哀哉轉法輪者哀

哉滅一切外道螢火光者哀哉能壞有身者
哀哉諸智慧城者哀哉法燈為無常風之所
吹滅哀哉法月為死羅睺之所吞滅復作是
言大寂真濟願為我說即於今者為何處去
至何方所為適何國為至舍衛及王舍城迦
毗羅衛波羅柰耶於此諸國為何處住耶今
為在何林為在迦蘭陀竹林菴婆羅林祇陀
林於此諸林為在何處為在何山為在白善
山毗提醯山耆闍崛山於此諸山為在何山
願語於我實在何處諸八部眾天龍夜叉乾
闥婆阿脩羅迦樓羅緊那羅摩睺羅伽如是
等以見於我常隨從佛設當問我佛何處去

我當何辭以對於彼世尊昔日教化衆生若
小疲倦暫寢息時繫心在明爲益衆生去何
今者捨於一切永入涅槃更不利益真濟願
爲我起我憂悲火熾然膏中命將不全願賜
一言猶如冷水滅我熾火我今爲憂苦毒蛇
之所蛆螫願賜我法阿伽陀藥以除我毒憂
愁毒箭深入我心願賜語鉗爲我拔出一切
衆生愛別離苦如來常爲說種種法除其苦
惱云何獨不愍我爲我滅此衆苦如我今者
哀逆闇塞不能推理而自釋割憂心內病說
種種語云何世尊不見慰喻我之恭順心不
疲怠樂見慈顏無有厭足投身于地願一瞻

視如何世尊不見哀矜滅結牛王常挾持我
何不將我入於涅槃獨見孤棄我失如來諸
苦所切無量無邊又不見諦何故獨見放捨
入于涅槃恠哉恠哉如來一睡更不起耶如
來已去不復還耶猶如燈滅更不復明如寶
樓崩更不建立如寶藏沒不可還出舉手大
叫發聲悲哭如帝釋幢所持繩絕倒地不起
宛轉涕哭心肝咽喉脣舌悉皆乾燥荒迷躄
地良久乃蘇愛戀如來功德之身捉相輪足
急抱不放而作是言如來之足如優鉢羅華
如日初出清淨柔軟安立之足千輻輪足極
妙工巧不能盡作轉輪聖王雖有是相相不

明了如來相輪輻轂具足炳然顯著其指纖
長附順相著不稀不踈其爪紅潤猶如赤銅
手足網縵猶如鵝王肌體豐滿無筋脉皮皴
天王人王諸鬼神王及以龍王咸以天冠頂
禮佛足爲化一切諸有緣者以相輪足徧行
世界而今此足更無有用我於昔日心常喜
樂一旦涅槃更不令我生於喜樂而此無常
極爲大惡能壞無量功德不思議色如來威
勢能令見者身心歡喜無量福力持如來身
無常之力實爲最大能使如來至於死處如
來以父母乳哺之力禪定力智慧力神通力
以此諸力不能於無常力中而自拔濟阿難

昔日勸請世尊住壽一劫如來何故不受其
請真濟往昔於三阿僧祇劫中作百千苦行
難捨之事一切能捨無數劫中歷侍諸佛奉
事供養求一切智欲濟衆生於少許時所度
未幾便入涅槃如來往日爲菩薩時化於衆
生猶不疲極而於今者可疲倦耶濁法衆生
如新生犢滿十二旬去何斷乳而棄之去請
爲我起與濁法犢飽足甜乳于時帝釋數億
諸天求欲問難去何而不爲其解說千世界
主梵天王合掌請法今日何不爲說法要滿
其所願毗沙門王數千万夜叉而自圍遶提
頭頻吒軋闍婆衆而自圍遶毗留勒叉鳩槃

荼衆而自圍遶毗留博又諸龍之衆而自圍
遶如是等衆皆爲飲法甘露而來至此如來
何不以良藥救諸疾者外道諸衆毀訾於法
何不速起壞彼邪論欲界之主處處壞亂何
不降伏如來諸聲聞少於智慧不勤習誦馱
於廣博何不速起爲說略要令知正道然令
阿難是佛所親奉侍世尊未斷結使盡於根
本何不教授令盡諸結使嗚呼恠哉如此堅
實大福德人一旦滅壞而此無常如護財象
殘害無數此護財象身大如山如來往昔猶
能調伏如是大象去何今者反爲無常之所
調伏乃至滅盡


如阿婆羅龍能壞摩竭提與大雲雷電光熾
然降注大雹摧折樹木如來能伏彼大力龍
而於今者反爲無常之所乘服如鴛拙魔暴
虐殘害猶能調彼剛強惡人調彼不調
牟尼世尊今爲無常之所摧壞如曠野惡鬼
殘殺一切令國空虛猶能調彼使受持戒而
於今者入無常羅網摧滅無餘如優樓頻螺迦
葉深著於我沒於邪見榛林之中難可拔出
如來猶愍能現十八種神足變化能令調伏
今爲無常之所傾倒一切衆生薄於福祐大
智之海爲無常日之所乾竭正智須弥爲無
常金剛杵之所摧碎佛功德樹覺意妙花道

果充滿爲無常斧斤之所斫壞廣大智光名稱
周聞徧于世間能燒一切有生之薪爲無常
水之所澆滅也盛力無常無有法教不爲智
者之所禁制非是精進膽勇猛健勢力名稱
柔心調根寂定之所能免咄哉無常酷暴乃
尔不別好惡有德無德等能摧壞作是語時
大地震動山頂崩壞大星隕落四方火起日
月諸宿無有光色一切天人皆無歡樂我今
形體不自勝舉欲沒入地暝眩黃黑心意錯
亂忘失所念脣乾舌燥語言錯謬聲音嘶破
去死不遠命今必絕佛捨而去如是等衆種
種哀呼百千種言戀慕於佛帝釋語言止

已足汝今可不憶念大仙少語

佛告比丘諸行無常無得住者不可體信是
變易法一切聚集歸散會滅高者必墮合會
必離有生必死一切諸行猶如河岸臨峻之
樹亦如畫水尋盡尋滅亦如泡沫如條上露
不得久停如輶闍婆城暫爲眼對人命迅速
疾於射箭速行天下疾於日月人命速疾過
於是天無常敗壞應當解知若於佛事有不
足者不入涅槃佛事周訖乃入涅槃以此佛
法付囑人天以此重事與聲聞弟子向無畏
寂滅處去諸有苦盡更不受生汝等不應生
大憂惱

佛入涅槃金剛力士哀戀經



佛使比丘迦旃延說法沒盡偈

一百二十章

失譯

尊者迦旃子

體道修律護

見諸卒暴者

以偈開法路

心當懷愴恨

思惟悲感事

常勤務精進

顧後大恐懼

正法垂欲滅

人年纔壽百

正法之光明

在世不久沒

正法已滅盡

比丘眾迷惑

當捨諸經法

聖覺之所講

反受雜文章

廢損佛所說

見訓諸淺經

心意爲欣悅

常當共諍訟

違教背典經

展轉興誹謗

各各相慢輕

愚癡課難化

無智如株杌

卿無所別知

不學佛正法

釋置經義理

更于相求短

吾身所聞傳

獨步無儔伴

持中以著下

舉下著於中

不復識次第

所說貴不窮

證據設乖謬

反說無本末

聞受皆浮漫

講論無清話

斯徒衆惡意

謗訕於和尚

見尊觀師父

傲慢不崇敬

是等共辯諍

心念甚愁毒

著世慕豪富

墮縛不自覺

我覺甚真諦

卿誠無所知

卿講殊倒錯

我言順典義

各各共諍訟

用生毒害心

貪得利供養
隨俗共浮沉
習樂於居崖
不能自拔度
從貪共談話
但說世間務
時諸比丘捨
樹間及閑暇
行止於聚落
開中立精舍
喜樂於憤擾
不慕處靜默
展轉相侵欺
以自養妻息
或時有比丘
客從遠方來
寺主先自安
閑居乃聽之
妬其所止居
嫉其有德名
亦嫉於族姓
又復希法經
見遠方比丘
顏色不悅和
得其捨之去
於心乃爲快
貪著於供養
用興毒惡嫉
務莊相貢高
由是成忿失
常念瞋恚惡
憍慢爲自大
所求無厭足
恣意隨塵穢
毒事不應行
不欲誦受經

終日笑歌儻

旦暮寢不醒

斯等共聚會

言不及經理

但說縣官賊

流俗行來事

假使有學者

衆人所供養

羨者求出家

言學比丘法

假使有學者

白衣所崇敬

務於雜碎事

因是得名聞

所行不如教

自從利養起

其年既幼少

多畜衆弟子

其心懷諍亂

不能究所學

沙門二三年

廣畜諸眷屬

莫能謹慎戒

墮落於邪見

或有說斷滅

或有講有人

已住如是學

墮惡人鬚髮

門徒多鄙猥

少年相圍繞

或時甚枯旱

或時復大水

雀鼠及蝗虫

災害並輻至

五穀普罄匱

民庶咸飢饉

窮逼於餬口

出家求安隱

便行作沙門

不調越軌度

不解於禁戒

衆會無救護

苟且無著耻

不能修慎行

亦不樂法會

汲汲著財養

以非法爲法

所說違道義

舉罪及輕重

亂經背賢規

集會至夜半

鬪諍事弥滋

然後乃說經

粗略不周備

希簡說禁戒

具足鬪諍事

處處失義理

故正法滅盡

適共鬪諍已

遂乃結仇怨

諸魔及官屬

用斯得人便

諸天龍鬼神

求欲聽經教

傾企遲聞法

但更鬪諍訟

諸天人懷恨

不可比丘行

行來共講言

佛法欲滅盡

吾等捨天樂

故來欲受法

不得聞正法

不如棄之去

其有尊鬼神

心樂佛法者

不念諸比丘

不復行擁護

於時弊鬼神

凶暴行毒害

取比丘精氣

令命無有餘

比丘多疾病

羸劣無氣力

失神顏色變

勤苦遭衆厄

展轉相憎嫉

疾病不相瞻

或有至死亡

無護橫夭殄

貪著利財寶

衣食無限節

曉知習俗法

邪業以自活

販賣規賈利

出入求生息

志尚存忿務

孜孜無懈極

樂於雜碎事

求利欲救命

棄捐度世業

細務自嬰累

衣服不整齊

儀節不閑修

不能將順行

如野馬獼猴

遙見賢比丘

分衛知止足

遠近罵詈之
澹然無過失
偷苟無著慙
反當見敬事
於彼失法時
處在林樹間
命過身出垂
毀滅其形體
諸地水火風
不妄忽自亡
正法在於世
正法則滅盡

言不順禁戒
彼時諸比丘
懈怠懷毒意
有仁賢比丘
乃更不見待
豺狼及犬狐
還自噉其肉
能仁大聖人
不能毀佛法
倉金出於世
終不自沒盡
譬如海中船

如今日比丘
默聲犯衆惡
斯等將來世
具足知廉耻
譬如師子王
不敢食其肉
晝夜共噉食
泥洹滅度後
世間珍奇寶
紫金乃不彰
因有像法故
貪重故沉沒

佛法斯亦然
以此爲正法
諸邪見異學
及所興布施
當毀於正法
除髮被袈裟
不肯順禁教
猶如塵蔽驢
改定其券別
怨賊及債主
耕種及治生
衆患所見惱

利養故滅盡
以法違於律
五通諸學士
其從釋迦文
令法至滅盡
皆當敗正法
戮力存法務
于時諸學人
令錯所寄信
戰戰相惡難
遭值諸吏卒
將有三惡王

背經及聖典
以非作法義
不能毀法義
因佛作沙門
計劣諸男子
令典沒不現
恣心從所樂
受取妄保任
畏於縣官吏
恐怖衣毛豎
朝夕習穢欲
大秦在於前

撥羅在於後

安息在中央

由於是之故

正法有棄亡

夷王大兇惡

處在於北方

興師伐惡國

傷害諸萬民

輕毀諸沙門

多犯於衆惡

毀壞佛塔寺

破敗學精廬

當於尔時世

郡國皆坵墟

是等皆恐懼

愁憂而懊惱

捨其北方土

奔趣于中國

病瘦目不明

疴瘵無氣力

不能捨北方

當爲其所賊

時少年比丘

不務沙門者

便當脫衣服

恐怖欲自全

於是中國君

當來伐夷王

旣已誅夷王

來還居監尼

彼有尊比丘

名号曰尸師

博聞靡不達

能悅諸國王

王聞尸師言

心意懷欣踊

願欲請衆僧
興設大布施
遣使詣十方
宣命於諸國
諸人來詣此
今當大布施
諸僧皆集至
其數有百千
遭難皆憔悴
願樂見大施
諸比丘已會
百千設備足
展轉相推求
各各相問訊
仁和上所在
阿闍梨所至
常所從沙弥
惡師今所師
或傷或死亡
或亦見驅逐
比丘旣相見
啼哭不自勝
彼時諸會者
其數百千衆
懷惱失顏色
樂見大布施
四面並雲集
同會十五日
講說佛典戒
尋復相忿對
斯等旣忿對
展轉不共和
尊比丘教告
諸比丘默然
吾當說卿等
示有佛法筆

聽我之所說
沙門佛門徒
有大比丘衆
往會十五日
我學設明達
學能達設者
時有一比丘
如是師子吼
誓首耆年足
其心無猶豫
吾亦無衆難
法律無所疑

無得亂語言
會同當共和
其數有百千
有大比丘衆
卿等不能知
便可說本末
所學普通達
即時從坐起
便當師子吼
身所學經戒
心亦不進退
通暢於經典

計此閻浮地
不宜長嫌故
欲得學道義
雖有百千數
設有一比丘
我學知其經
有德名須賴
叉手而任立
吾不懷狐疑
今設爲通利
吾所前學者
明達於道義

吾所學如此

諸賢宜奉持

卿不達衆經

亦不解法律

去何尊者前

而多自稱歎

尊師惡弟子

性兇懷毒害

其名曰阿斯

即便害須賴

時有大鬼神

信樂於佛法

手自執金剛

遂打殺阿斯

當于尔時世

地六返震動

四方自然響

非人擊霹鼓

至尔時四方

當有四大烟

又復四大火

上方四面墮

於尔之世時

世間爲幽冥

從是往不返

生民設愚癡

黎庶無央數

悲哀懷懊惱

今日最末世

佛正法未盡

曾見佛鬼神

信樂於道義

縱身自投地

號躄不自堪

諸比丘遭患

如人喪三親

今日最末世
無復說經典
諸天樹木鬼
宛轉不自寧
今世最崩頹
聚會相慶賀
却後將來世
勉力求度脫
故宜加慕勵
經典普流布
今日四輩人
夙宵加精進

佛正法滅盡
法律及禁戒
曠野居神明
法燈爲已沒
法鼓不復鳴
舉手而讚言
當有是患難
譬如賈客
無得復後悔
說法者常存
展轉相恭敬
身體自康強

從今日以往
當何從聞聽
悲感心憂惱
正典已毀滅
諸魔設歡喜
今是佛末世
益當加精進
失時心懷惱
聞時道法興
勤心修佛教
聞佛法尚在
未遭老病死

以故當慙慙

念後大危懼

及時諸國安

無有衆患難

豐熟乞易得

奉修佛教禁

沙門解羅刹

聞是法教戒

前誓首作禮

耆年迦旃子

惟吾身戰慄

毛豎心爲寒

失志不知法

不復識方面

今我聞此言

心生大恐懼

將來世見此

安能心不碎

尊者迦旃子

興此悲哀已

則爲諸弟子

說正法未盡

三百歲多解脫

三百歲聞戒定

三百歲修佛寺

入千年責怨害


諸比丘樂無樂

習獨處牀席居

在於彼行無方

當降伏諸愛欲

佛使迦旃延說法設盡偈一百二十章



佛說佛治身經

失譯 今附西晉錄

佛言當學工語不沙門法行獨一處坐但當
正意一處一卧一行不中正一為曉身受經
亦獨居還使千人一人勝千軍中人能得勝
餘勝已勝身常為勝無方亦不勝摩汎藍亦
不能已勝不能作不勝比丘勝乃不勝先為
自身定政教後教餘為諸輩如我自身上頭
隨法行便教餘人如是易教己身如是如教

他人已得身教意不復難教餘欲教餘先自
教還使自教從身教得黠爲自身他故教多
人亦莫犯無有極自身爲自念無有極自歸
無有過身自歸不如自歸誦教身已黠得歸
已黠便得法已黠便得戒已黠昆弟中不復
憂已黠便得樂已黠不復憂自身自歸身
亦得歸化人已身無有極教一切從苦得脫
問曰何等爲工語師曰說三十七品經爲工
語謂所說不亂人意亦爲工語何等爲法行
謂不離二百五十戒是爲法行何等爲一爲
曉身謂知分別身中事何等爲軍中人能得
勝謂人不能勝惡何等爲一人能勝身謂意

念惡能自制斷是爲勝身何等爲身意教謂
身受七戒意受三戒何等爲多人亦不犯謂
等心使人不墮結

佛治身經

佛說治意經

失譯

今附西晉錄

佛言安般守意具行如法已欲次第學如佛
說爲在天下得明如陰解月出立身立意立
坐卧亦尔已比丘立意如是前後會有所益
已前後有所益使不復見恠意已止意亦守

六衰常守莫中止便知無爲身若一切有意
常守身止不願亦不願有亦不疑有亦不疑
無有次第行在所疑便蚤得度生死若警言意
知定喜淨時時法觀能得度老病如是可病
警精進道人自意生老結能得斷今世能得
苦盡已警言爲聽所睡爲覺警勝卧已警無有
畏已精進曉睡日夜爲覺已求甘露便得滅
苦人有是有利從歸佛爲中夜常意在佛已
覺得覺佛弟子常亦若中夜常念法僧聚亦
亦行戒亦亦布施亦亦身護亦亦行禪亦亦
不侵人亦亦定意亦亦念空亦亦已覺能覺
佛弟子常亦若中夜不墮思想

問曰何等為便知無為身師曰泥洹為無為
身何等為次第行謂介所到便當除次除是
為次第行何等為時時法觀謂六入來時當
即時校計是為時時法觀何等為道人自意
謂教人精進當先自意行身自守意自守自
為福中天上福未滿故自守福已滿便得禪

佛說佛治意經

七經同卷

飛

迦葉赴佛涅槃經

荼梨

上音茶

貲

子反

斯翔

音柴

狼

音郎

騏驎

二字音其

隣

兄反

羣僚

下音寮

懔怕

上音走

敢反

肉音也 蛟龍

交上音 躡

奮飛

問上反

剗腸

枯上反音

俎肌

阻上音

躡蹶

顛二字音

馳驟

瘦下反助

鈇質

夫上音

鋒鏑

的下音

菩薩呵色欲經

